

Cambionan grandi den leyman di Trafico!

PRONTO TA BIRA ILEGAL PA TINT GLAS DI AUTO

Tur cos a pasa den Staten caba!

ORANJESTAD(AAN): Ayera DIARIO tabata di bishita cerca comisario di polis Sr Jan van der Straten y aki a combersa cune riba algun plannan pa loke ta aña dos mil.

El a splica cu pa loke ta e

Wardanan mes, lo bin cambionan na caminda y aki ta papia di renobacion di Warda tanto di San Nicolas como esun di Oranjestad. Tambe si tur cos ta bon e promer autonan di polis lo cuminsa yega pa asina e scarcedad di



kom lo tin un cambio tambe caminda cu antes por a core te 90 km/h, y asina cu tur cos worde introduci e lo bira 80 km/h.

Pa loke ta autonan cu tinted-glass, esaki lo bin cambio riba dje. Dentro di poco, tur auto ta worde prohibi pa core cu tinted-glass na e siguiente parti: No mag di tint e windshield dilanti. Tampoco e glas banda di chofer, y e glas banda di pasahero.

Sinembargo, e glasnan patras di chofer si por worde haci tinted. Pues e windshield patras tambe!

Pa loke ta chofernan cu ta gusta bebe tambe lo tin cu bay paga bon tino ya cu e aparato di supla tambe lo cuminsa ser usa. E machine aki bo no mester ta basta burachi pa bo keda cla. Algun drinks ta suficiente pa e aparato di blas ta positivo.

Esakinan ta algun di e cambionan cu ta na caminda pa loke ta Warda di Polis y tambe maneho den Cuerpo Policial.

NAN A TAPA BOCA DI VICTIMA DI ATRACO CU TAPE

ORANJESTAD (AAN): Te Diamars, oficialmente Polis a suministra informe relaciona cu un atraco den centro di ciudad.

Un homber encarga pa deposita suma di placa na Banco, segun su version, a worde sorprende pa tres homber. E hombernan a sorprende e victima, y a pega tape tanto na braza y tambe boca di e victima.

Segun descripcion duna, e trio ta personanan color cla, nan a expresa nan mes na idioma Spaño. Un di nan tabata tin un rug tas, mientras tur tres tabata bisti cu Polo

shirt cada uno cu diferente color.

Segun e victima di inicialnan J.A.H. di 29 aña di nacionalidad Colombiano, cu despues di e acto e trio a baha na awa cu mas o menos 7.000 Dollar, como 2.000 Florin, y cierto cantidad di travelers checks.

E caso tin pleno atencion di atraco team.

auto cu tin principalmente na warda di Oranjestad caba.

Ademas di esaki lo tin cambionan na caminda pa tur warda unda cada Warda di Polis lo bira independiente cu nan mesun departamento di droga, joyriding, tecnico y hasta nan propio Comisario.

Den Staten a ser pasa algun

ley tambe cu lo conta pa chofernan riba caya.

Semper den bebouwde kom tabata prohibi pa core mas cu 40 km/h y pronto e lo bira asina cu lo mag core no mas duro cu 50 km/h. Aki a bin u cambio unda lo por core 10 km/h mas duro.

Pa loke ta pafor di bebouwde

BISIÑANAN A BAY ATACA HOMBER

ORANJESTAD (AAN): Den oranan di atardi a worde reporta pelea na Bubali. Central di Polis a dirigi Patruya na e lugar indica y a papia cu e homber J.R.R.B. naci na Mexico.

Segun su declaracion cu el a worde ataca pa dos homber. Parce e hombernan ta bisiña, y nan a atake cu cuchio. Polis a tuma nota cu J.R.R.B. ta tin poco rasca na curpa. J.R.R.B. a splica Polis cu el a sali na defensa di su ruman muher cu a worde zundra pa e dos hombernan arma.

Polis a acerca e dos supuesto bisiña pero nan no tabata tey. Denunciante a worde avisa pa duna keho na Recherche si e ta sinti su mes menaza.

CAMPAÑA A BIN NA BO PORTA!!

